

2021年度

大学院文学研究科博士課程後期3年の課程入学試験

(春期・一般選抜) 問題

筆記試験 中国思想中国哲学 専攻分野

試験開始の合図があるまで、この問題冊子を開いてはいけない。

成績	
績	

2021年度

大学院文学研究科博士課程後期3年の課程入学試験

(春期・一般選抜) 問題

筆記試験 (中国思想中国哲学専攻分野)

一、左記の文章は南宋・朱熹「答張敬夫（壬辰冬）」(『晦庵先生朱文公文集』卷三二)の一部である。これを読み、現代日本語訳または訓読文を作成せよ。訳文は①②③④それぞれの問題文の左側に記すこと。

※問題文には句読点等を書き入れてもよい。

①

在中之義之說來論說得性道未嘗相離此意極善但所
謂此時發在乎中者文意簡略善所未就更乞詳論又謂
已發之後中何嘗不在裏面此恐亦非文意蓋既言未發
時在中則是對已發時在外矣但發而中節即此在中之
理發形於外如所謂即事即物無不有箇恰好底道理是
也一不中節則在中之理雖曰天命之秉彜而當此之時
亦且漂蕩淪胥而不知其所存矣但能反之則又未嘗不
在於此

(②へ続く)

②

此程子所以謂以道言之則無時而不中以事言之則有時而中也所以又謂善觀者却於已發之際觀之也若謂已發之後中又只在裏面則又似向來所說以未發之中自爲一物與已發者不相涉入而已發之際常探

朱子全 子集卷三十一 九 綱鑑

此物以自隨也然此義又有更要子細處夫此心廓然初豈有中外之限但以未發已發分之則須如此亦若操會存亡出入之云耳并乞詳之

③ (続)

③

心譬之水是因知言有此言而發然性情既有動靜善惡
 既有順逆則此言乃自然之理非用意差排也人無有不
 善此一言固足以具性情之理然非所以論性情之名義
 也若論名義則如今來所說亦無窒理不費力更推詳之
 太極圖立象盡意剖析幽微周子蓋不得已而作也觀其
 手授之意蓋以為唯程子為能受之程子之秘而不示疑
 亦未有能受之者爾夫既未能默識於言意之表則道聽
 塗說其弊必有甚焉連年已覺弊矣

④ (続)

④

觀其答張闕中書云書

雖未出學未嘗不傳第患無受之者及東見錄中論橫渠

清虛一大之說使人向別處走不若且只道敬則其微意

亦可見矣若西銘則推入以知天即近以明遠於學者之

用爲尤切非若此書詳於天而略於人有不可以驟而語

者也孔子雅言詩書執禮而於易則鮮及焉其意亦猶此

耳韓子曰堯舜之利民也大禹之慮民也深其周子程子

之謂乎熹向所謂微意者如此不識高明以爲如何

